

Arraunketa ♦ Bizkaia eta Gipuzkoako txapelketak asteburuan

Trainerilen ordua

Mundaka eta Donibaneko dira faboritoak

Ramon Basaldua / Bilbo

GIPUZKOA eta Bizkaiko txapelketak jokatuko dira bihar eta etzi Getarian eta Plentzian, eta hurrengo asteburuan Euskadikoa jokatu da, Algortan.

Gipuzkoako txapelketan hamabost ontzi izango dira aurrez aurre gaur arratsaldean jokatu den sailkatzeko estropadan. Donosti-Arraun, Itsaso eta Getaria taldeak ariko dira lehenengo txandan; Hibaika, San Pedro, Donibaneko eta Trintxerpe bigarren goan; Hondarribia, Fortuna, Koxtape eta Ur Kirolak hirugarrenean eta Zarautz, Santiagotarrak, Orio eta Zumaia laugarren goan. Gaurko estropadetan lehenengo zortziek eskuratuko dute biharko finalerako txartela. Gainera, zortziek izango dute txapela eskuratzeko aukera.

Donibaneko Arraunlariak taldearen ontzia da faborito nagusia urrezko domina irabazteko. Izan ere, Pasai



ARTXIBOKOA

Getarian eta Plentzian jokatu da Gipuzkoa eta Bizkaiko txapelketak.

Donibanekoek nagusitasun handia erakutsi baitute ligaxkako estropadetan. Orio, Koxtape eta Trintxerpe ere hautagai dira.

Bizkaiko txapelketari dagokionez, hamalau ontzi ariko dira nor baino nor gaur arratsaldean Plentziako badian. Ondarroa, Raspas, Zierbena eta Arkote izango dira lehenengo txandan;

Kaiku, Lutzana, Santurtzi, Algorta eta Portugalete bigarren goan eta Bermeo, Isuntza, Mundaka, Deustu eta Elantxobe hirugarren goan. Bost onenak izango dira aurrez aurre bihar eguerdiko finalean. Faborito nagusia Mundaka bada ere, Kaiku, Isuntza, Arkote, Ondarroa eta Bermeo ezustekoa ematen saiatuko dira.

l a b u r r e a n**S A S K I B A L O I A****■ Portland Trail Blazersek irabazi egin du Utah Jazzen etxean, eta batean berdindu du kanporaketa**

PORTLAND TRAIL BLAZERS taldeak garaipen handia lortu du Utah-en bertako Jazz taldearen aurka. Oregongo taldeak 81-84 irabazi zuen, eta batean berdindu du Mendebaldeko Konferentziako finalerdietako kanporaketa. Isaiah Rider, Portland taldeko hegalekoa izan zen partiduko jokalaria onena. Bestalde, New Yorkeko Knicks taldeak 70-77 irabazi zion Atlantako Hawksi. Georgia Dome jokatu zuen Ekialdeko finalerdietako kanporaketako bigarren partiduan. New York 2-0 aurreratu da, eta bi garaipenak kanpoan erdietsi ditu.

■ Real Madridek Scariolo fitxatu nahi du eta Taurekin negoziaketetan hasi da

BESTE denboraldi baterako kontratua du Taurekin Sergio Scariolok, baina klausula bat ere bai, kontratu hori indennizazio baten ordainetan eten daitekela dioena. Horren jakitun, Taurekin negoziaketetan hasi da Real Madrid. Real Madrideko arduradun Lorenzo Sanz Duranek eta Tauro lehendakari Josean Kerejetak, egin dute lehenengo bilera.

M O T O Z I K L I S M O A**■ Tetsuya Haradak egin du denborarik onena Frantziako Sari Nagusiko lehenengo entrenamendu saioetan**

TETSUYA HARADA Aprilia taldeko gidariak egin zuen denborarik onena atzo Frantziako Sari Nagusiko lehenengo entrenamendu saioetan. Japoniarrak ezustekoa eman zuen Paul Ricard zirkuituan, inork ez baitzuen espero denbora onena egingo zuela. Haradak zilindro biko motorra erabili zuen, eta gainerako faboritoek lau zilindrokoak erabili zituzten. Ustez, Paul Ricard zirkuitua aproposagoa da potentzia handiko motorrentzako. Alex Criville izan zen bigarrena eta Kenny Roberts hirugarrena, Luca Cadalora eta John Kocinskiren aurretik.

T E N I S A**■ Australiako taldeak Munduko Kopako finalerako txartela lortu du Estatu Batuetako taldeari irabazita**

AUSTRALIAK eta Suediak jokatu dute taldekako Munduko Kopako finala. Australiarrak espero baino arazo gutxiago izan zuten Estatu Batuetako taldeari irabazteko atzo jokatu zuen finalerdietan. Mark Philippoussis australiarrak 6-4, 6-7 eta 7-5 irabazi zion Richey Reneberg estatu batuarrari. Bigarren partiduan Patrick Rafter erraz gailendu zitzaion Pete Sampras faboritoari. Australiarrak bi setetan nagusitu zen, 6-3 eta 7-5,

M E N D I A**■ Poloniako eta Belgikako bi mendizale hil dira Everesten: bata erorita eta bestea izoztuta**

BI mendizalek bizia galdu dute Everesteko gailurretik jais-ten ari zirela. Tadeusz Kudelski poloniarra labaindu egin zen eta 8.600 metroko altueratik behera erori zen. Taldeko beste mendizale bat, belgikarra berau, izoztuta hil zen, 8.200 metroan zegoen kanpamentuan. Mendizale belgikarra gailurrera iritsi ziren hiru mendizaleen zain zegoela hil zen.